

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 2008-mi novembarip naanerani aningaasaqarneq pillugu nalunaarussiaq.**

**Suliassat nalinginnaasut**

**Imm. 03 Qeqqata Kommuniani aqutsineq pillugu Ileqqoreqqusassap aappassaaneerana.**

**Imm. 04 Kommunalbestyrelsip nutaamik suleriaasissaanut siunnersuut.**

**Imm. 05 Politiit ileqqoreqqusaat**

**Imm. 06 Tunniussisinnaasumik toqqaaneq Qeqqatalu Kommuniani karseqarnermut  
naatsorsuuserinermullu malittarisassatut siunnersuutip killiffia pillugu ilisima-  
titsissut.**

**Imm. 07 Qeqqata Kommunianut kukkunersiuisussanik toqqaaneq.**

**Imm. 08 Partiip Siumup sinniisut allattorsimaffianit sinniisussatut siullertut Marius Olsen-  
ip tunuarniuteqarluni qinnuteqaataa**

**Imm. 09 Tamalaat.**

Ataatsimiinneq aallartippoq nal. 09.10

Ataatsimiinneq oqarasuaatikkut videokonferencilu atorlugu ingerlanneqarpoq.

*Peqataasut:*

***Atassut***

Søren Alaufesen, Sisimiut

Karl Davidsen, Maniitsoq

Bitten Heilmann, Maniitsoq

***Demokraatit***

Palle Christiansen, Sisimiut

***Inuit Ataqaatigiit***

Katrine Larsen Lennert, Sisimiut

Agathe Fontain, Sisimiut

Mimi Karlsen, Maniitsoq

Beathe Poulsen, Atammik – oqarasuaatikkut peqataavoq

***Siumut***

Hermann Berthelsen, Sisimiut

Karl Lyberth, Maniitsoq

Evelyn Frederiksen, Sisimiut

Alfred Olsen, Sisimiut

Efraim Olsen, Kangaamiut – oqarasuaatikkut peqataavoq

Hans Frederik Olsen, Sisimiut – Imm. 06-imiit peqataavoq

Morten Siegstad, Sisimiut

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput.

**Imm. 02 2008-mi novembarip naanerani aningaasaqarneq pillugu nalunaarussiaq**

*Journalnr. 06.00*

Nassuiaateqartoqassaaq.

**Aalajangiineq**

Maniitsumiit Sisimiuniillu nassuiaatigineqartut tusaatissatut tiguneqarput.

**Ilanngussaq**

1. Sisimiut Kommunia
2. Maniitsup Kommunia

### **Imm. 03 Qeqqata Kommuniani aqutsineq pillugu Ileqqoreqqusassap aappassaaneerera**

*Journalnr. 01.00.01*

#### Maleruagassatigut tunngavissaq

Kommunalbestyrelsit nunaqarfinnilu aqutsisut il.il. pillugit inatsisartut inatsisaanni § 1, imm. 2 takuneqarsinnaavoq:

*Kommunalbestyrelsip kommunip aqunneqarneranut malittarisassat ersarinnerusut tassunga ilanngullugit borgmesterip suliassaqaarfinut maleruagassat aqutsinermut malittarisassani sularissavai. Aqutsinermi malittarisassassatut siunnersuutit aamma malittarisassanut atuuttunut llannguutissatut siunnersuutit kommunalbestyrelsimi minnerpaamik ullunik 14-inik akuttussuseqartumik sularine-qassapput.*

#### Pissutsit atuuttut

Aqutsineq pillugu Ileqqoreqqusakkut kommunip susassaqaarfiisa qanoq ingerlanneqarnissaat aalajangersagaapput.

Aqutsineq pillugu ileqqoreqqusami takuneqarsinnaavoq, suliassat suut ataatsimiititaliami sorlermi aningaasaqarnermullu ataatsimiititaliami susassaqaarfiussanersut, Ikaarsaariarnermi ataatsimiititaliap politikikkut agguataarineq pillugu oktobarip 17-ni 2008-mi aalajangiinera takuuk.

Aammattaaq aqutsineq pillugu ileqqoreqqusami takuneqarsinnaavoq, nunaqarfinni aqutsisut amerlassusii qanorlu inuttalernerqarsimaneri, Ikaarsaariarnermi ataatsimiititaliap nunaqarfiit kattussineri pillugit oktobarip 19-ni 2008-mi aalajangiinera takuuk.

Aqutsineq pillugu ileqqoreqqusassap januaarip 1-ani 2009-miit atutilernissaa siunnersuutigineqarpoq.

#### Ikaarsaariarnermi Ataatsimiititaliami suliap sularinera

Ikaarsaariarnermi Ataatsimiititaliap decembarip 5-ani 2008-mi immikkut ittumik ataatsimiinnermini suliaq sularivaa.

Taamatut isikkoqarluni aappassaaneernissaminut ingerlateqqinneqarnissaa akuersissutigineqarpoq.

Aqutsineq pillugu ileqqoreqqusassap aappassaaneerneqannginnerani ileqqoreqqusassamut ilanngus-saq nunaqarfinni aqutsisunut tusarniutigineqassaaq.

#### **Innersuussut**

Aqutsineq pillugu ileqqoreqqusassap Ikaarsaariarnermi ataatsimiititaliami aappassaaneerneqarnissaa siunnersuutigineqarpoq.

#### **Aalajangiineq**

Qeqqata Kommuniani aqutsineq pillugu Ileqqoreqqusassaq akuersissutigineqarpoq.

#### **Ilanngus-saq**

1. Qeqqata Kommuniani aqutsineq pillugu Ileqqoreqqusassatut siunnersuut
2. Ilaqutariinnermut Suliffissaqartitsiniarnermullu immikkoortortaqaarfimmiit allakkiaq 2008-mi decembarip 17-iani malinnaatitatus nassiunneqassaaq.
3. Nunaqarfinni aqutsisuniit oqaaseqaatit.

#### **Imm. 04 Kommunalbestyrelsip nutaamik suleriaasissaanut siunnersuut**

*Journalnr. 01.00.03*

##### Tunuliaqutaq

Kommuni aqutsinermut Inatsisartut inatsisaat naapertorlugu Kommunalbestyrelsip suleriaasissani akuersissutigissavaa.

Siunnersuut saqqummiunneqartoq suleriaasissamut nalinginnaasumut, Namminersornerullutik Oqartussanit aammalu Sisimiut Maniitsullu Kommuniini suleriaasissatut atuussimasunut siullernut nassiunneqarnikuusunut assingusorujussuuvoq.

Taamaattorli siunnersuummi § 3, imm. 1-imi allassimavoq,  
*Ilaasortaq ileqquusumik ataatsimiinnissaq kingusinnerpaamik ullunik 21-nik sioqqullugu allakkatigut suliamik oqaluuserinneqqulluni qinnuteqarsimappat, suliaasaq taanna ataatsimiinnissami siullermi oqaluuserisassanut borgmesterimit ilanngunneqassaaq.*

Oqaluuserisassani oqaluuserinneqqulluni qinnuteqarneq siusinnerusukkut ullunik 14-inik killeqartinneqarsimavoq. Tamanna aallaavittut allaffeqarfimmit ulluni tallimani suliarineqarnissaanik, nutserneqarnissaanik oqaluuserisassallu nassiunneqarnissaanut sunniuteqarsimavoq. Kommunit kattussuunnerini suliaqarnermi paasineqarpoq, kommunerujussuarmi allaffissornermi sulinermi ulluni suliffiusuni tallimani angumerineqarsinnaanngitsoq.

Taamaattumik allaffeqarfiup innersuussutigaa, kommunerujussuarmi pitsaasumik tunngaviusumillu sullissinissaq qulakkeerniarlugu, sullissinissamut allaffeqarfik ullunik 14-inik periarfissinneqassasoq, taamaalillunilu suliaassanik oqaluuseritinniakkanik tunniussivissaq kommunalbestyrelsip ataatsimiinnginnerani ullunut 21-nut sivitsorneqassasoq.

##### Maleruagassatigut tunngavissaq

Kommunet aqunneqarnerat pillugu Inatsisartut inatsisaanni § 1, imm. 3.

##### **Innersuussut**

Kommunalbestyrelsip suleriaasissaa Ikaarsaariarnermi ataatsimiititaliamit akuersissutigineqassasoq innersuussutigineqarpoq.

##### **Aalajangiineq**

§ 3, imm. 1-imi allassimasumit *issuaanermi* oqaaseqatigiit kalaallisoortai iluarsineqassapput.

Innersuussutigineqartoq akuersissutigineqarpoq.

##### **Ilanngussaq**

1. Kommunalbestyrelsip suleriaasissaanut siunnersuut

## **Imm. 05 Politiit ileqqoreqqusaat**

*Journalnr.*

### Tunuliaqutaq

Kommunit kattunnerannut atatillugu kommunimi nutaamik politiit ileqqoreqqusaliornissaq pisariaqarpoq.

Kanukoka-p decembarimi 2008-mi kommunini nutaani politiit ileqqoreqqusassiornissamut najoqqutassiornikuuvoq. Kalaallit Nunaanni Politimestereqarfiup najoqqutassaq iluarsaannikuuaa Rigsombudeqarfiullu akuersissutiginiikuullugu.

Decembarip 4-ni 2008-mi najoqqutassiaq Ikaarsaariarnermi ataatsimiititalianut nassiunneqarpoq.

### Pissutsit atuuttut

Najoqqutassiaq ima isikkuligaavoq, Ikaarsaariarnermi ataatsimiititaliamut kommunip aqqa § 1-mi ikkuteriaannangorlugu.

Taamatuttaaq Ikaarsaariarnermi ataatsimiititaliap § 2, imm. 3-mi kommunimi nutaami sumiiffiit sanaartorfiusimasut taaneqarnissaat ilanngutissavai, soorlu illoqarfiit, nunaqarfiit, illut aasarsiortarfit inissisimaffii, nunaqarfiusimasut il.il.

Kiisalu Ikaarsaariarnermi ataatsimiititaliap § 19-imi politiit ileqqoreqqusaasa aqqi ikkutissavai, kommunetoqqani atuuttuusimagaluit, politiillu ileqqoreqqusaa manna aqqutigalugu atorunnaartut. Allannguutit tamakku Qeqqata Kommunianut atatillugu najoqqutassamut ikkunneqarput, ilanngusatullu 1-tut ilanngunneqarlutik.

Taamatuttaaq kommunalbestyrelsi sumiiffimmi pissutsinut atatillugu maleruagassanik immikkut ikkussisinnaavoq, soorlu kommunimi qamuterallinnik ingerlasarneq pillugu, imeqarfinni eqqaannilu angallanneq pillugu, eqqakkat il.il. pillugit. Pitsaanerpaassarlu tamakku kapitalitut najoqqutassami siunnersuutip kapitalip 3-ata kingulianut immikkoortunngorlugit.

Imeqarfinni eqqaannilu angallarneq pillugu:

Ikaarsaariarnermi ataatsimiititaliap taamatut imeqarfinni eqqaannilu angalassinnaanerit pillugit malittarisassamik politiit ileqqoreqqusaannut ikkussissanerluni nammeneq aalajangissavaa.

Sisimiuni politiit ileqqoreqqusaanni atuuttuni taamatullu Maniitsumi politiit ileqqoreqqusaanni tulliuttoq ilaavoq

### § 19...

*Imm. 3. Tatsini, kuunni tasinngortaniluunniit inuit imermik imigassamik pilersorneqarfiini tamakkualu eqqaanni igitassanik igitsineq, atisanik errorsineq, perusuersarneq allatulluunniit imermik mingutitsinermik kinguneqarsinnaasumik iliorneq inerteqqutaavoq.*

Taassuma saniatigut Sisimiuni politiit malittarisassaanni takuneqarsinnaalluni:

*§ 20. Tatsini kuunnilu imermik pilersuiffiusuni § 19-imi pineqartuni nalunnguarneq inerteqqutaavoq, aamma tatsini kuunnilu pineqartuni imermillu pilersuinermut atasuni allani angallatinik motorilinnik sikukkoorneq inerteqqutaavoq. Aammattaaq tatsit imeqarfiit sikuilu silaannakkoortunik motorilinnik mittarfittut qangattartarfittullu atorneqassanngillat.*

Taassuma saniatigut Maniitsumi politiit malittarisassaanni takuneqarsinnaalluni:

§ 20. Tatsini imeqarfinni kuunnilu § 19-imi taaneqartuni nalunnguarneq tamakkulu sikuiniinneq inerteqqutaavoq.

Massakkumut atuuttuni malittarisassat ataatsimoortillugit ima isikkulerneqarsinnaalluni:

§ X. Tatsini, kuunni tasinngortaniluunniit inuit imermik imigassamik pilersorneqarfiini, kiisalu imeqarfiusinnaasuni tamani tamakkualu eqqaanni igitassanik igitsineq, atisanik errorsineq, perusuersarneq allatulluunniit imermik mingutitsinermik kinguneqarsinnaasumik iliorneq inerteqqutaavoq.

Imm. 2. Tatsini kuunnilu imermik pilersuiffiusuni imm. 1-mi pineqartuni nalunnguarneq inerteqqutaavoq, aamma tatsini kuunnilu pineqartuni imermillu pilersuinnermut atasuni allani angallatinik motorilinnik sikukkoorneq inerteqqutaavoq. Aammattaaq tatsit imeqarfiit sikuilu silaannakkoortunik motorilinnik mittarfittut qangattartarfittullu atorneqassanngillat.

Imm. 3. Imeqarfiusinaasut tassaapput tatsit, kuutit tasinngortallu nunatat eqqaaniittut, inuit imermik imigassaminnik pilersuiffigisartagaat, sialuup aamma aputip aanneratigut taakkununnga tatsinut, kuunnut tasergortanullu imermik pilersuisut.

Kommunimi qamuterallannik angallannikkut killilersuutit:

Ikaarsaariarnermi ataatsimiititaliap taamatut killilersuiniarnerluni nammineq aalajangissavaa, assersuutigalugu piffissami aalajangersimasumi qamuterallannik angalasoqarsinnaanera, tamannalu politiit ileqqoreqqusaannut ikkullugu.

Tamatununga tunngasutigut Sisimiut Kommuneani massakkumut malittarisassaqqarpoq, tassa illoqarfiup iluani qamuterallannik nal. 22-imiit 06-imut angalaneq inerteqqutaammat.

Maniitsup Kommuneani taamatut malittarisassaqqanngilaq, tassa piffissap qanoq ilinerani illoqarfimmi angallattoqarsinnaaneranut.

Ikaarsaariarnermi ataatsimiititaliap illoqarfinni qamuterallannik angallannerup killilersuiffiginissaa kissaatigippagu, tamanna ima isikkulerneqarsinnaavoq:

§ X. Illoqarfimmi qamuterallannik angallanneq tamarmi piffissami nal. 22-imiit 06-imut inerteqqutaavoq.

Imm. 2. Qamuteralaalli avataaneersut piffissami pineqartumi illoqarfimmut appakaassinnaatitaallutillu aallarsinnaatitaapput. Avataaneersut ima paasineqassalluni, angalasut illoqarfiup avataaniissimasut nal. 22 angerlamut apuussimangitsut, imaluunniit nunaqarfinniit angalasut tikittussat aallarnialluunniit.

Imm. 3. Ajutoortoqartillugu, ujaasisoqartillugu imaluunniit ikiuunnissaq pisariaqartillugu angallatit pineqartut atorneqarsinnaapput. Angallassisussalli piaarnerpaamik politiit tamatuminnga ilisimatissavai.

Malitsigisaanik iluarsisutit, sumiiffinni aalajangersagaqqartoqarpat:

Ikaarsaariarnermi ataatsimiititaliap sumiiffinni immikkut malittarisassiornissaq aalajangiuppagu, assersuutigalugu qamuterallannik angallannermut tunngasutigut taamatullu imeqarfinni angallannikkut killilersuinissaq, taava tamatuma malitsigisaanik ileqqoreqqusamik iluarsisuteqarnissamat allaffeqarfik pisinnaatitaasariaqarpoq, taamaalilluni ileqqoreqqusamik unioqqutitsinerit kinguneqartinneqarsinnaanissaat anguneqassammat, politiit ileqqoreqqusaani unioqqutitsinerit allat assigalugit.

#### Aningaasaqarnikkut allaffissornikkullu malitsigisinnaasai

Politiit ileqqoreqqusassaannik akuersinissaq Qeqqata Kommunianut aningaasatigut allaffissornikkulluunniit malitseqassangitsoq nalilerneqarpoq.

#### Allaffeqarfiup naliliinera

Allaffeqarfik isumaqarpoq, najoqqutassatut ileqqoreqqusaliaq Kanukoka-miit saqqumiunneqarneratut isikkoqartillugu ikaarsaariarnermi ataatsimiititaliap akuersissutigisinnaagaa.

Tamatuma saniatigut allaffeqarfik naliliivoq, ikaarsaariarnermi ataatsimiititaliap kissaatigiguniuk, taava qamuteralaat imeqarfinnilu angallannerit pillugit sumiiffinni immikkut malittarisassiorsinnaasoq.

#### **Innersuussut**

Innersuussutigineqassaaq, Ikaarsaariarnermi ataatsimiititaliap

- Najoqqutassatut ileqqoreqqusassiap aalajangersagai Qeqqata Kommuniani januaarip 1-aniit 2009-mi atuutsinneqarnissaat akuersissutigissagai, kiisalu
- imeqarfiit eqqarsaatigalugit sumiiffinni immikkut aalajangersaasoqassanersoq isummerfigissagaa, taamaattoqassappallu siunnersuutaasut ileqqoreqqusassamat ilanngunneqassanersut, kiisalu
- qamuteralaat pillugit sumiiffinni immikkut aalajangersaasoqassanersoq isummerfigissagaa, taamaattoqassappallu siunnersuutaasut ileqqoreqqusassamat ilanngunneqassanersut, kiisalu
- allaffeqarfik pisinnaatitsissummik tunissagaa, tassa sumiiffinni qamuteralaat imeqarfiillu pillugit immikkut aalajangersaasoqassappat taakkulu politiit ileqqoreqqusaannut ilanngunneqassappata, pineqaatissiissutaasussat ileqqoreqqusami malitsigisaanik iluarsiiffinissaannut, taamaalilluni ileqqoreqqusamik unioqqutitsinerit kinguneqartinneqarsinnaanissaat anguneqassammat, politiit ileqqoreqqusaani unioqqutitsinerit allat assigalugit.

#### **Aalajangiineq**

Kalaallisoortani oqaaseqatigiit iluarsitinneqassapput.

Innersuussutigineqartoq akuersissutigineqarpoq.

#### **Ilanngussaq**

1. Qeqqata Kmmuniani politiit ileqqoreqqusassaattut siunnersuut, Kanukoka-p najoqqutassiaa naapertorlugu suliaq.

**Imm. 06 Tunniussisinnaasumik toqqaaneq Qeqqatalu Kommuniani karseqarnermut naatsorsuuserinermullu malittarisassatut siunnersuutip killiffia pillugu ilisimatit-sissut (16.12.2008-mi malinnaatitaq)**

*Journalnr. 06.00.01*

Tunuliaqutaq

Aningaasartuut isertitarlu suugaluarpataluunniit akuersissutigineqarsimanissaat borgmesterip akisussaaffiginerpaavai. Kommunimi immikkoortortanut pisortat namminneq akisussaaffimmik iluani Borgmesterip akisussaafii nakkutigisussaavaat, taamatullu immikkoortortani pisortat akisus-saaffitsik sulisuminnut namminneq missingersuutitigut akisussaaffilinnut nakkutilliisussanullu ingerlateqqissinnaavaat.

Karseqarnermut naatsorsuuserinermullu malittarisassat nutaat, aqutsinermi inatsit naapertorlugu kommunip kukkunersiuisuinut akuerisassatut – BDO Kommunernes Revision Aalborg-imiittunut ingerlateqqinneqarpoq. Suliap taama kingusinaartigineranut Inatsisartuni aqutsinermik inatsisip kingusissumik akuersissutaanera patsisaavoq, tassa akuersissuteqarneq aatsaat novembarip 27-ini 2008-mi pimmat. Aqutsinermi inatsisikkut allannguutit atuutilersinneqartut malitsigisaat, Karseqar-nermut naatsorsuuserinermullu malittarisassani iluarsissutaapput. Tamakku tunngavigalugit taperser-lugu innersuussutigineqassaaq, Sisimiut Kommuneani Karseqarnermut naatsorsuuserinermullu malit-tarisassatigut tunngaviusut Qeqqata Kommuniani aqutsinikkut malinneqassasut, malittarisassanik kommunalbestyrelsip akuerinninnissaata tungaanut.

Malittarisassatigut tunngavissaq

Kommunini aqutsinikkut Inatsisartut inatsisaanni § 19 imm. 2.

Pissutsit atuuttut

Sisimiut Kommuneani Karseqarnikkut naatsorsuuserinikkullu malittarisassat taamatullu tunniussi-sinnaanermik, atsiortuusinnaanermik naatsorsuuserisinnaanermik il.il. suleriaatsit allaaserineqarneri naapertorlugit, aningaasartuutit isertitanillu tunniussisinnaatitaanermut piginnaatitsissut suliari-neqassapput. Immikkut ilanngussaaq innersuussutigineqarpoq.

Ikaarsaariarnermi ataatsimiititaliaq akuersissuteqariarpat, Qitiusumik ingerlatsiviup tunniussis-innaatitaanermut immikkut immersugassaaq sularissavaa, tasanilu atsiorsinnaatitaanermik tunniussi-sinnaatitaanermillu piginnaatitaasut tamarmik atsiortinneqassapput.

Tuuniussisinnaatitaanermik immersugassaaq ilanngussatut ilanngunneqarpoq.

Aningaasaqarnikkut allaffissornikkullu kingunerisinnaasai

Immikkut oqaaseqaatitassaaqanngilaq.

Allatseqarfiup aningaasaqarnermullu allatseqarfiup oqaaseqaataat

Immikkut oqaaseqaatitassaaqanngilaq.

Allaffeqarfiup naliliinera

Immikkut oqaaseqaatitassaaqanngilaq.

### **Innersuussut**

Qitiusumik ingerlatsiviup Ikaarsaariarnermi ataatsimiititaliamut innersuussutigissavai

- Sisimiut Kommuneani Karseqarnermut naatsorsuuserinermullu malittarisassatigut tunngaviusut Qeqqata Kommuniani aqutsinikkut malinneqassasut akuereqqullugit, kommunalbe-styrelsimi malittarisassat akuerineqarnissaasa tungaanut
- tunniussisinnatitaanermut pisinnaatitsissut akuereqqullugu, ilanngussaq takuuk.

### **Aalajangiineq**

Suliassap naammassinissaa borgmesterinngortussap isumagissavaa.

Innersuussutigineqartut akuersissutigineqarput.

### **Ilanngussat**

1. Tunniussisinnatitaanermut pisinnaatitsissutit ataasiakkaat, kontonut agguataakkat
2. Sisimiut Kommuneani karseqarnermut naatsorsuuserinermullu malittarisassanut ilanngussaq 7
3. Tunniussisinnatitaanermut pisinnaatitsinermi immersugassaq

**Imm. 07 Qeqqata Kommunanut kukkurersiuisussanik toqqaaneq (16.12.2008-mi malinnaatitaq)**

*Journalnr. 06.04.01*

Tunuliaqutaq

Sisimiut Maniitsullu Kommuniisa BDO Kommunernes Revision kukkurersiuisumittut atorpaat, kommunellu kattunnissaannut piareersarnermut atatillugu ingerlatsiviup innersuussutigaa, BDO Kommunernes Revision suleqatigineqarnera Qeqqata Kommuniiani ingerlatiinnerneqassasoq. Danmark-imi kommunet kukkurersiorneqartarnerini BDO Kommunernes Revision atorneqarnerpaajulluni kommunet 60 %-it missaat kiffartuuttarpai, kiffartuussinerminnilu kukkurersiuinermik, siunnersuinermik, kiffartuussinermik pikkorrisartitsinermillu neqerooruteqartarluni. BDO Kommunernes Revision, Danmark-imi suliffeqarfiit annersaasa tallimaasumut BDO ScanRevision-imut piginneqatigiiffiulluni namminersortumik ingerlatsivoq.

Maleruagassatigut tunngavissat

Kommunemi aqutsinermik inatsisip § 48-ata aalajangerpaa, Naalackersuisunit akuerineqartussanik kommunet akuerisaasunik kukkurersiuisoqassasut. Kommunalbestyrelsi kukkurersiuisumik akuerisaasumik soraarsitsissaguni, tamanna Naalackersuisunit akuerineqaaqqaassaaq.

Pissutsit atuuttut

Kukkurersiuisut naalagaaffimmit akuerisaanissaat kiisalu Naalackersuisunit akuerisaasimanissaat eqqaassanngikkaanni, Kukkurersiuisunut piumasaqaatitaqanngilaq. Kommunit siunissami qanoq annertutigilernissaat eqqarsaatigalugit Naalackersuisut nalilerpaat, kukkurersiuisunut piumasaqaatit annertusineqartariaqassasut, taamaattumillu kommunet naatsorsuutaat naalagaaffimmit akuerisaalutik kukkurersiuisuinnarnit kukkurersiorneqarsinnaassallutik. Kukkurersiuisut naalagaaffimmit akuerisaanissaannik piumasaqaat aatsaat 2012-imi januaarip aallaqqaataani atuutilissaaq. Naatsorsuuserinermut kukkurersiuisinissamullu nalinginnaasumik aalajangersakkat malinneqarnerisut, Kommunep kukkurersiuisuisa misissussallugit akisussaaffigaa. Kukkersiuisut siumut ilisimatitsinngikkaluarlutik karsimi uninngasuutinik misissuisinnaatitaapput, soorluttaaq kommunep naatsorsuuseriaasianik, kommunellu eqqortumik suleriaaseqarnissaat anguniarlugu nakkutiginninnissamut tunngasunik misissuinerminni uparuaasinnaatitaasut. Kommunalbestyrelsi kukkurersiuisunut paasissutissiiginnartussaataaginnaratik aamma uppernarsaasussaataitaapput. Imaappoq uppernarsaatissanut pisariaqartinneqartunut kukkurersiuisut namminneq ujartuinissaannut innersuunneqartussaangillat. Paasissutissat pisariaqartinneqartut assersuutigalugu tassaasinnaapput naatsorsuutinut ikkussuinermini uppernarsaatit imaluunniit angalasimanernut aningaasartuutinut tunngasut.

Aningaasaqarnikkut allaffissornikkullu kingunerisinnaasai

BDO Kommunernes Revision Qeqqata Kommuniiani atorneqassagunik qanoq akeqartitsinissaminnik, ingerlatsivimmut ersarissumik suli neqerooruteqanngillat.

Allatseqarfiup aningaasaqarnermullu allatseqarfiup oqaaseqaataat

Annertunerusumik oqaaseqaatissaqanngilaq.

### Allaffeqarfiup naliliinera

2008-mi septembarip 18-iani missingersuutit pillugit Ikaarsaariarnermi ataatsimiititaliap isumasioqatigiinnerani ingerlatsiviup innersuussutigaa, Qeqqata kommuniata kukkunerisuiusussamisut BDO Kommunernes Revision toqqassagaa. Ingerlatsiviup nalilerpaa, BDO Kommunernes Revision kommuneni allaffissornernut aningaasatigullu aqutsinermi misilittagaqarluarlutillu ilisimasaqarluartut, tamatumalu ilaatigut kingunerisaanik kukkunerisuiusut paasissutissanik uppersaatiniluunniit amigaateqartillutik ersarissunik paasiuminartunillu ingerlatsivimmut apeqquteqaateqartut.

### **Innersuussut**

Ingerlatsiviup innersuussutigaa,  
BDO Kommunernes Revision, Qeqqata Kommuniani kukkunerisuiusussatut Ikaarsaariarnermi ataatsimiititaliap akuersissutigissagaa,  
BDO Kommunernes Revision Naalakkersuisunit akuersissutigineqarnissaanik innersuussutigineqassasoq.

### **Aalajangiineq**

Siulittaasup innersuussutigaa Maniitsumi Sisimiunilu kukkunerisuiosorineqartut BDO Kommunernes Revision 2009 ilanngullugu atuutissasut. 2009-p ingerlanerani suliariumannittussarsiusineq piareersarneqassaaq, taamaalilluni 2010-miit Qeqqata Kommuniani kukkunerisuiusussat aalajangerneqassallutik.

Ikaarsaariarnermi Ataatsimiititaliami siulittaasup innersuussutaa akuersissutigineqarpoq.

### **Ilanngussaq**

Ilanngussaqanngilaq

**Imm. 08 Partii Siumup sinniisut allattorsimaffianit sinniisussatut siullertut Marius Olsen-  
ip tunuarniuteqarluni qinnuteqaataa**

*Journalnr. 01.01.03*

Tunuliaqutaq

Marius Olsen-ip allakkatigut 2008-mi decembarip aallaqqaataaneersutigut Ikaarsaariarnermi ataatsimiititaliap siulittaasua nalunaaruteqarfigaa, 2009-mi januaarip aallaqqaataa aallarnerfigalugu partiip Siumup sinniisut allattorsimaffiani sinniisussatut siullertut tunuarniuteqarluni.

Maleruagassatigut tunngavissat

Kommunini suliassaqrarfiit aqqissuuteqqinneqarnerat pillugu Inatsisartut inatsisaat nr. 14, 19. november 2007-imeersumi allaqqavoq: ”§ 6. *Kommunalbestyrelsip kommunimi nutaami Ikaarsaariarnermi Ataatsimiititaliatut piffissaq atuuffia tassaavoq 1. maj 2008-miit 31. december 2008 tungaanut.*

Imm. 2. 1. januar 2009-mi Ikaarsaariarnermi Ataatsimiititaliaq kommunimi nutaami kommunalbestyrelsitut atuutilissaaq atuutissallunilu 2013-imi aprilimi kommunalbestyrelsinut qinersinerup tungaanut.”

Qinersinermi inatsit, Kommunalbestyrelsinut, nunaqarfmi aqutsisunut ilagiillu sinniisaannut qinersarnerit pillugit Inatsisartut inatsisaat nr. 10, 31. oktober 1996-imeersumi § 50, imm.1: ”*Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq.*”

Pissutsit atuuttut

2009-mut missingersuutit pillugit isumasioqatigiinnermi, taamatullu missingersuutit siullermeerutaasumik eqqartorneqarnerini peqataanginnermigut missingersuutinut oqaaseqaateqarnissaminut periarfissaqarsimanginnini pillugu missingersuutit aappasaanik eqqartorneqarnerini taaseqataasimannginninni patsisiginerarlugu, partiip Siumup sinniisunut allattorsimaffiani sinniisutut siullertut tunuarniuteqarnerarpoq. Ukiuni arfineq-pingasuni Sisimiut Kommuneata mianersortumik aningaasatigut aqutsinermigut sipaarutigisimasaasa kattunermut atatillugu ukiup ataatsip ingerlanerinnaani tamakkerlugit atorineqarniartut kusanangitsoq isumaqarami, missingersuutinut taaseqataangilaq.

Marius Olsen-ip oqaatigaa kattunnissaq imminnermini ajoriffissaqartinnagu, kisiannili 2009-miit 2013 tikillugu naapertuuttunngorsaanissap ingerlanneqarnissaa naatsorsuutigisimagaluarlugu ajoraluartumik tamanna pinngitsoortussangortoq, tassuunakkullu Sisimiut Kommunea kattunnissami pilliutigineqassamat.

Ikaarsaariarnermi ataatsimiititaliamut/kommunalbestyrelsimut qinigaasimaneq qinikkanut sinniisunullu pitussimavoq, 2013-imilu apriliip naanissaata tungaanut atuulluni.

Aningaasaqarnikkut allaffissornikkullu kingunerisinnaasai

Tamanna Ikaarsaariarnermi ataatsimiititaliamit akuersissutigineqassappat, aningaasaqarnikkut allaffissornikkullu kinguneqaatissaqangilaq.

Allatseqarfiup aningaasaqarnikkullu allatseqarfiup oqaaseqaataat

### Allaffeqarfiup naliliinera

Qinnuteqaat akuerineqassappat, inatsit atuuttoq naapertorlugu aalajangiisoqartariaqarpoq. Qinnuteqaatip akuersissutigineqarnissaanut qinersinermi inatsit naapertorneqartussaavoq, taannalu naapertorlugu allassimavoq, qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq. Pineqartumut atatillugu qinnuteqaammi patsisaavoq, 2009-mut missingersuutit akuerineqarneri Marius Olsen-ip isumaqataaffigisinnaanginnamigit.

Allaffeqarfik isumaqanngilaq, taama tunngaveqarneq qinersinermut inatsimmi kanukoka-llu inatsisilerituaa naapertorlugu tunngavilersuutaasinnaangitsoq. Allaffeqarfik Marius Olsen-ip kommunalbestyrelsimiit tunuarniarneranut atatillugu tunngavilersuutaanut atatillugu inatsisitigut tunngavissamik allamik innersuussisinnaanngilaq. Taamaammat allaffeqarfik isumaqarpoq, qinnuteqaat akuerineqarsinnaanngitsoq.

### **Innersuussut**

Kommunemi pisortaanerup innersuussutigaa, partiip Siumup sinniisunut allattorsimaffiani sinniussatut siullertut tunuarniuteqarluni Marius Olsen-ip qinnuteqaataa itigartitsissutigineqassasoq.

### **Aalajangiineq**

Taasinermi innersuussutigineqartoq akuersissutigineqarpoq.  
14-it akuersisut (Siumut, Atassut, Inuit Ataqtigiit)  
1 akерliusoq (Palle Christiansen)

### **Ilanngussat**

1. Marius Olsen-imit 2008-mi decembarip aallaqqaataanit allakkat.
2. 2008-mi decembarip aallaqqaataani kommunemi pisortaanerup KANUKOKA-llu mailikkut attaveqatigiissimanerat.

**Imm. 09 Tamalaat**

Pisortanit ikiorsiissutit iluarsiissutissaattut siunnersuut pillugu siulittaasoq nassuiaateqarpoq.

“Stavnsbinding” af de geografiske mandater pillugu siulittaasoq nassuiaateqarpoq.

Allaffissornikkut aqqissuussaanermi killiffik pillugu kommunimi pisortaaneq nassuiaateqarpoq, siulittaasorlu ilassuteqarluni.

Partiit tamarmik suleqatigiissimanermut qujassuteqarput, ukiumilu nutaami suleqatigiinnissamut qilanaarlutik. Juullimi pilluaqqusipput ukiortaamullu iserluarnissamut kissaassillutik.

Naggataarutaasumik Ikaarsaariarnermi Ataatsimiititaliap siulittaasua ilaasortanut, sulisunut tamanut qujassuteqarpoq, suleqatigeeqqinnissarlu qilanaaralugu.

**Matoqqasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Sulisogarnermut tunngasut**

**Imm. 02 Ilaqutariinnermut Ilinniartitaanermullu tunngasutigut pisortassatut atorfirmut qinnuteqaateqartut.**

**Imm. 03 Aningaasaqarnermut, Teknikkimut Avatangiisinullu tunngasutigut pisortassatut atorfirmut qinnuteqaateqartut.**

**Imm. 04 Tamalaat.**

Ataatsimiinneq naammassivoq nal. 12.07